

而乞骸雖據經致仕之雅尚尊高年而褒德亦貪賢求輔之至懷念帝王之任人唯老成焉委寄進退有係未可以輕安危所分宜在深察肆君奭有告歸之志而周公勤篤裴之言惟卿天資瓌奇識度宏博忠貞有由傳也遠徵喬木之家風節烏可犯乎迥壓清班之首自在小官之日咸指大奮之材叅侍從啓沃弘裨居喉舌出納明允執憲烏府凜綱紀之頓修統師馬曹奄軍政之克舉適屬小門之饑饉特授龍節而撫摩黎氓免溝壑之填瀾塞有鎖鑰之固功績已懋毗賴實多僉曰汝諧擢置巖廊之地民具爾仰蔚為柱石之臣恐或委任之非誠豈有交修之未盡執一德確然不拔措百施煥乎有文事無察察之明務裁大體容有休休之美不拘細機再冠群僚敢煩元老非徒展謨而成務抑亦鎮躁而定浮方注意之載隆何引年之是忽況求治之既久愧獲效之斯遲人心未底乎善良奸巧橫起陰陽屢乖乎調叶災沴沴沴戒劇淵冰憂深寤寐是鞠躬盡瘁之日非循例自退之秋益礪委質之初心毋執履謙之小節責望素歸於遠大處待可超乎尋常故賜几杖之儀用示禮貌之盛勉安乃位深體台情氣力或恐卿雖切疎廣之知止心腹是旅予欲資君陳之告猷○癸亥 御夕講○夜坤方南方巽方有氣

如火○甲子日暈○乙丑

御朝講○丙寅

御夕講○丁卯

御夕

講○弘文館直提學許洽副應教黃恬校理成倫李任修撰嚴昕博
蘇逢著作金魯上疏曰竊惟禍機亘起於細微公論或奪於邪議是
以古之人君明以燭之靜以鍾之使未形未著之患暗消於冥冥之中
若顧其內無自信之心聽於外多反惑之意則事來而雖或知其是非
事過而常不辨其邪正鮮不為亂亡之歸矣頃者二三權奸盤據要地
相締押結謀起士林之禍陰逞鬼域之術幸賴祖宗默祐奸狀自露
公論一發中外咸快人無異辭豈意奸邪諂附之徒失其巢窟懷恩蓄
憤覬覦萬端胥掉邪舌鼓起無形之說搖撼已定之論至以公論出於
不正或謂先祖之餘習或謂安老復用之兆斯言一出足以喪邦炳幾之
士孰不驚惋彼無識之輩固不足道稍知事理者亦或為然同然和之
臣等竊痛之夫先祖亂政之魁安老陰邪之人朝廷公論豈復襲先祖
之餘習又豈為安老之地者立自古奸人之欲搖國是者必先為鑿空
構虛之說煽動於下而使人心疑貳浸潤於上而使君聽眩惑終至於
是非顛倒邪正雜糅難救之禍起於朝夕今者權奸罪狀已不逃於
聖鑑之明臣等固知浮言邪議不足移聖志於萬一然一念或間百